

Útkomið í A-deild Stjórnartíðindanna 1946.

Auglýsing um að Ísland hafi undirritað sáttmála matvæla- og landbúnaðarstofnunar hinna sameinuðu þjóða, undirskrifuð af forsætisráðherra 16. janúar 1946, nr. 1.

Auglýsing um að Ísland hafi staðfest sáttmálann um stofnun alþjóða-gjald-eyrissjóðs og alþjóðabanka, undirskrifuð af forsætisráðherra sama dag, nr. 2.

Forsetabréf um að Alþingi skuli koma saman til framhaldsfunda, undirskrifað af forsetanum 18. janúar 1946, nr. 3.

Lög um sölu þjóðjarða og kirkjujarða, undirskrifuð af forsetanum 26. febrúar 1946, nr. 4.

Lög um breytingar á lögum nr. 58 27. júní 1941, um landnám ríkisins, undirskrifuð af forsetanum sama dag, nr. 5.

Lög um breyting á lögum nr. 108 9. okt. 1941, um byggingar- og landnáms-sjóð, undirskrifuð af forsetanum 11. marz 1946, nr. 6.

Lög um girðingar kringum hverí og laugar, undirskrifuð af forsetanum sama dag, nr. 7.

Lög um breyting á lögum nr. 112 9. okt. 1941, um lax- og silungsveiði, undirskrifuð af forsetanum sama dag, nr. 8.

Lög um eyðingu svartbaks, undirskrifuð af forsetanum sama dag, nr. 9.

BRÁÐABIRGÐAREGLUR

24

22. jan.

um miðskólapróf í bóknámsdeild.

I. Almenn ákvæði.

1. gr.

Miðskólapróf í bóknámsdeild skal vera landspróf að mestu. Landspróf er próf, sem tekið er samtímis um land allt og notuð sömu verkefni, er prófnefnd velur.

2. gr.

Rétt til þess að halda landspróf slíkt, er getur í 1. gr., hafa allir miðskólar og gagnfræðaskólar.

Unglingaskólar geta einnig haldið námskeið til undirbúnings undir miðskólapróf við þá, ef kennslukraftar og aðrar aðstæður eru fyrir hendi, að dómi fræðslumálastjórnar.

3. gr.

Þangað til ný lög um skólakerfi, gagnfræðanám og menntaskóla koma til framkvæmda, skulu námskröfur til miðskólaprófs samsvara sem næst námskröfum til gagnfræðaprófs við menntaskólann í Reykjavík, sbr. reglugerð, dags. 8. febr. 1937, samkvæmt nánari fyrirmælum fræðslumálastjórnar. Meðan svo er, má halda miðskólapróf við þessa skóla: Menntaskóla, gagnfræðaskóla, héraðsskóla og aðra samþættilga skóla, bæði ríkisskóla og einkaskóla, sem viðurkenndir eru af fræðslumálastjórn.

6

24

22. jan.

II. Um prófnefnd, skipun hennar og verksvið.

4. gr.

Fræðslumálastjórn skipar í samráði við skólastjóra menntaskólanna, Kennarskóla Íslands og gagnfræða- og héraðsskólann 9 manna prófnefnd til fjögurra ára í senn.

Í prófnefndinni skulu að jafnaði vera sérkennarar í öllum þeim greinum, sem nefndin dæmir um eða fyrrverandi sérkennarar. Skulu þeir allir vera vel kunnugir námsefni því og námsbókum, sem krafizt er til prófsins.

Bóknun fyrir starfann ákveður fræðslumálastjórn.

Nú hverfur maður úr nefndinni af einhverjum ástæðum áður en 4 ár eru liðin, og skipar fræðslumálastjórn þá annan mann í hans stað þann tíma, sem eftir er.

5. gr.

Prófnefnd semur verkefni í þessum greinum: Íslenzku, dönsku eða öðru Norðurlandamáli, ensku, sögu, landafræði, náttúrufræði, stærðfræði og eðlisfræði, og afhendir fræðslumálastjórn.

6. gr.

Prófnefnd ákveður í samráði við fræðslumálastjórn, hvenær próf skuli tekið í hverri einstakri grein, svo og, hve langur tími hverri prófgrein skuli ætlaður.

7. gr.

Prófnefnd tekur við úrlausnum þeirra verkefna, er hún hefur valið, leiðréttir þær og dæmir. Um hverja úrlausn skulu tveir nefndarmenn dæma eftir ákvörðun nefndarinnar, og koma þeir sér saman um einkunn.

Þegar allar úrlausnir hafa verið leiðréttar og dæmdar, skulu þær afhentar fræðslumálastjórn ásamt einkunnum.

8. gr.

Hraða skal sem allra mest leiðréttingu og dómi úrlausnanna, svo hægt sé að birta hlutaðeigandi skólum niðurstöður sem fyrst.

III. Um prófið og tilhögun þess.

9. gr.

Prófið skal halda síðari hluta maímánaðar ár hvert.

10. gr.

Próf skal tekið í öllum þeim greinum, er kenndar eru í miðskólum. Undanþágu frá prófi í leikfimi og söng getur skólastjóri veitt einstökum nemendum, þegar fullgildar ástæður eru fyrir hendi, sbr. reglugerð þar um frá 8. marz 1944.

Um aðrar greinar en þær, sem prófnefnd fjallar um, dæma hlutaðeigandi kennarar og prófdómarar, skipaðir af fræðslumálastjórn.

Um framburð á erlendum málum dæmir prófdómari eða prófdómarar, tilnefndir af fræðslumálastjórn og samkvæmt nánari fyrirmælum hennar, að fengnum tillögum prófnefndar.

11. gr.

Fræðslumálastjórn annast prentun eða fjölritun prófverkefna undir eftirliti trúnaðarmanns síns. Að prentun lokinni og í tæka tíð fyrir próf sendir fræðslumálastjórn á öruggan hátt prófverkefnin trúnaðarmanni sínum eða trúnaðarmönnum á hverjum stað. Trúnaðarmaður afhendir síðan hlutaðeigandi skólastjóra verk-

efnin fyrir hvert próf, rétt áður en það byrjar. Hann hefur og eftirlit með próf- 24
inu og gætir þess, að óleyfilegra hjálpargagna sé ekki neytt. En í hvívetna skal 22. jan.
hinnar ýrtrustu varúðar gætt, svo að allir nemendur standi jafnt að vígi í prófinu.

12. gr.

Að loknu prófi í hverri grein skulu úrlausnir þegar sendar fræðslumálastjórn
innsiglaðar, er síðan afhendir prófnefnd þær.

Prófnefnd ákveður, hvernig úrlausnir skulu merktar.

13. gr.

Verkefni í öðrum greinum en þeim, sem taldar eru í 5. gr., velur prófdómari
í samráði við hlutaðeigandi kennara, nema prófverkefni hafi verið útbúið og send
frá fræðslumálaskrifstofunni. Þeir dæma og um úrlausnir.

IV. Einkunnir o. fl.

14. gr.

Einkunnir skulu gefnar í stigum, 0—10. Þá má og gefa fimmtunga úr heilli
tölu, og tíundi hluti getur komið fram, er tveir dæma.

Lægri einkunn en 1 fellir, svo og lægri einkunn en 2 í tveimur greinum, og
lægri einkunn en 3 í þremur greinum.

Aðaleinkunnir eru fjórar, og greinast þannig:

Fyrsta ágætiseinkunn	9.00—10.00
Fyrsta einkunn	7.25— 8.99
Önnur einkunn	6.99— 7.24
Þriðja einkunn	5.00— 5.99

15. gr.

Ein einkunn skal gefin í hverri námsgrein, nema í islenzku tvær, samkvæmt
nánari ákvæðum prófnefndar.

16. gr.

Við dóm á úrlausnum í erlendum málum, skal að nokkru stuðst við einkunnir
prófdómara fyrir framburð.

17. gr.

Einkunnir í greinum þeim, sem koma ekki til úrskurðar prófnefndar, skulu
skráðar á prófskírteini nemenda og reiknast til fullnaðareinkunnar miðskólaprófs,
en eigi landsprófs.

18. gr.

Til þess að standast miðskólapróf þarf nemandi að hafa hlotið í aðaleinkunn að
minnsta kosti 5.00, en til þess að standast landspróf þarf meðaleinkunnina 6.00 í
landsprófsgreinum og meðaleinkunnina 5.00 í hinum.

19. gr.

Nú stengt nemandi ekki prófið, má hann þá annað hvort sitja aftur í bekk og
reyna næsta ár eða þreyta það utan skóla. Einnig má hann flytja sig yfir í verk-
námsdeild, ef hann telst til þess hæfur.

20. gr.

Miðskólapróf veitir rétt til framhaldsnáms í gagnfræðaskólum hvar sem er á
landinu og landspróf að auk rétt til inngöngu í menntaskóla og kennaraskóla.

Reglur þessar öðlast þegar gildi.

Menntamálaráðuneytið, 22. janúar 1946.

Brynjólfur Bjarnason.

Birgir Thorlacius.

24 Fylgiskjal.

22. jan.

Skrá yfir námsefni til gagnfræðaprófs í Menntaskólanum í Reykjavík vorið 1946.

Íslenska:

Björn Guðfinnsson: Íslensk málfræði, öll bókin. Sami: Íslensk setningafræði, öll bókin. Freysteinn Gunnarsson: Ritreglur, öll bókin. Stutt ágríp af bragfræði, handrit kennarans. Um 40 stafsetningaræfingar í 1. bekk, en um 15 í 2. bekk. Heimaritgerðir hálfsmánaðarlega í 2. bekk (alls um 14); tveir heimastilar og 18 merkjaæfingar.

Sig. Nordal: Íslensk lestrarbók, Ísland, bls. 32, Umkvörtun, 47, Númi, 51, Ferðalok, 72, Djákninn, 105, Galdra-Loftur, 111, Sálín hans Jóns míns, 118, Ísland, 121, Úr Manni og konu, 121, Ólag, 146, Jónas Hallgrímsson, 147, Stökur, 158, Lofsöngur, 164, Heimþrá, 180, Úr Tilhugálfi, 186, Stökur og brot, 198, Eftirköst, 199, Rammislagur, 200, Kveld, 207, Úr Eden, 218, Rosi, 226, Vísur Kvæða-Önnu, 227, Fákar, 243, Sóley, 245, Væringjar, 246, Hólamannahögg, 259, Bréf til vinar míns, 263, Á fjörunni, 274, Í dag, 292, Stjáni blái, 307, Í hákarlalegum, 316, Helfró, 319, Hún kyssti mig, 325, Það vorar, 327, Sálarstyrjöldin, 346, Morgun hins efsta dags, 352, Þingvellir, 353, Sigurður skáld, 361, Karl faðir minn, 375, Það var eitt kvöld, 379, Í Árnasafni, 379, Austurstræti, 381, Hótel Jörð, 383, Þurrkur, 388.

Danska:

1. Dönsk lestrarbók eftir Einar Magnússon og Kristinn Ármannsson, öll bókin, 240 bls.
2. Málfræðiágrípið í Kennslubók í dönsku eftir Kr. Á., allt, bæði stórt og smátt letur
3. 30 smásögur í Kennslubók Kr. Á. lærðar til endursagnar.
4. Flestir stílarnir í Stílav verkefnum Kr. Á. Gerðir munnlega eða skriflega 120 stílar. Í stað Danskrar lestrarbókar geta komið Danskir leskaflar eftir Ágúst Sigurðsson, 240 bls. (allt I. hefti og um 60 bls. af II. hefti), eða 3. hefti af Kennslubók Jóns Ófeigssonar og síðustu 100 bls. í Danskri lestrarbók E. M. og Kr. Á., eða síðustu 100 bls. í Dönskum lesköflum Ág. Sig.

Í stað málfræðinnar í Kennslubók Kr. Á. gætu komið stjörnumerktu kaflarnir í Danskri málfræði eftir Jón Ófeigsson. Að sjálfsögðu er gert ráð fyrir að lesnar hafi verið byrjunarbækur Kr. Á., Jóns Ófeigssonar, 1. og 2. hefti, eða Ág. Sig., 1. og 2. h.

Enska:

1. Bogi Ólafsson: Kennslubók í ensku, öll bókin (málfræði og textar).
2. Sami: Ensk lestrarbók, bls. 1—94.
3. Sami: Enska endursagnir. Sögurnar 2—31 lærðar til endursagnar. Stílar í verkefnum B. Ó. ca. 52 stílar.

Saga:

1. Þorleifur H. Bjarnason og Jóhannes Sigfússon: Mannkynssaga handa gagnfræðaskólum, Fornöldin, öll bókin.
2. Knútur Arngrímsson og Ólafur Hansson: Mannkynssaga handa gagnfræðaskólum, Miðaldir, öll bókin.
3. Sömu: Nýja öldin, öll bókin.
4. Þorleifur H. Bjarnason: Mannkynssaga, III. 2., öll bókin (alls um 640 bls.).

Landafræði:

Bjarni Sæmundsson: Landafræði, öll bókin.

Náttúrufræði:

24

Bjarni Sæmundsson: Dýrafræði, öll bókin. Stefán Stefánsson: Plönturnar, 3. útg., bls. 1—187, þessar ættir voru teknar: körfublómaætt, möðruætt, varablómaætt, gullintoppuætt, lyngætt, sveipjurtaætt, ertublómaætt, krossblómaætt, sóleyjarættin, reklatré, grasaættin, gróplöntur út að gróðurlendi Íslands. Inngangur að einkimblöðungum (út að brönugrasaætt) vandlega lesinn, svo og upphaf að köflum um heilkrýninga, lauskrýninga og vankrýninga, en sleppa má 21.—23. gr. incl. 22. jan.

Eðlisfræði:

Jón Á. Bjarnason: Kennslubók í eðlisfræði handa gagnfræðaskólum, öll bókin.

Stærðfræði:

1. Reikningsbók eftir dr. Ólaf Danielsson, bls. 1—87.
2. Sami: Kennslubók í Algebru, bls. 1—115.
3. Jul. Petersen: Kennslubók í rúmfræði, þýðing Sigurkarls Stefánssonar, 10 fyrstu kaflarnir og dæmi 1—130, enn fremur kaflarnir um flatarmál og rúmmál í reikningsbók Ól. Danielssonar.

Teikning:

Teiknað eftir einföldum hlutum með sérstöku tilliti til „perspektiv“-fræðinnar.

Skrift

er dæmd eftir íslenskum stílum á prófi með hliðsjón af stærðfræðiúrlausnum.

Leikfimi og sund

samkvæmt reglugerðum um þau efni.

Staðfesting forsetans á stofnskrá fyrir „Byggingarsjóð Íslendinga í Kaupmanna- 25
höfn“, útgefin á venjulegan hátt að mandatum af dómsmálaráðherra 25. janúar 1946. 25. jan.
Stofnskráin er þannig:

STOFNSKRÁ**fyrir Byggingarsjóð Íslendinga í Kaupmannahöfn.**

(Stofnendur: Íslendingafélagið í Kaupmannahöfn og Fél. ísl. stúdenta í Kaupm.höfn.)

1. gr.

Nafn sjóðsins er Byggingarsjóður Íslendinga í Kaupmannahöfn (á dönsku: Islandsk Byggefond i København).

Lögheimili sjóðsins er Kaupmannahöfn.

2. gr.

Markmið sjóðsins er að afla fjár til byggingar húss eða til kaupa á húsi í Kaupmannahöfn, er verði samastaður Íslendinga. Þar er ætlað til að verði bústaðir handa námsfólki, vistarverur handa gamalmönnum, bókasafn, lestrarstofa o. fl.

3. gr.

Sjóðurinn er sjálfseignarstofnun.